

Corte a rechaza nan peticion pa evita su salida

Ministerio Publico kier a para biahe di Joran pa interrogue

Esaki tabata e intencion di Ministerio Publico ora cu nan a cuminsa un caso sumario dialuna merdia pa para e biahe pasobra nan emster interrogue, pero e peticion a wordo rechaza dor di Corte.

Ayera Ministerio Publico a saca un declaracion unda ta splica cu dialuna den oranan di merdia nan a cuminsa un caso sumario serca Huez Comisario den e caso di e desaparicion di Natalee Holloway relaciona cu e baimento Hulanda di un di e sospechosonan.

E tres sospechosonan – S.K., D.K. y J.v.d.S., - cu a wordo laga den libertad dor di Huez Comisario riba diasabra, 3 di september, 2005 bou condicionnan, a ricibi un peticion di parti di e team

investigativo pa presenta nan mes serca miembronan di Polis pa mas interrogacion. Un di e condicionnan cu Huez Comisario a pone ta cu e sospechosonan mester keda disponibel pa e investigacion. E dos rumannan Kalpoe voluntariamente a presenta na Polis dialuna, 5 di september p'asina Polis por haci nan mas pregunta. E di tres sospechoso, esta Joran, mester a presenta na Polis diamars, 6 di september. Pero den oranan di merdia Ministerio Publico a haya sa cu Joran ta bayendo Hulanda e mesun anochi di dialuna ey. Esaki a pone cu a mesun merdia O.M. a cuminsa un caso sumario serca Huez Comisario pa evita esaki y tambe pa Huez Comisario

duna e hoben un orden pa pone su mes disponibel pa mas interrogacion den e caso.

E peticion di Ministerio Publico a wordo rechaza dor di Huez Comisario. Despues di a haya e decision di H.C., Ministerio Publico a apela esaki. Den apelacion tambe e peticion pa evita Joran bai Hulanda y e peticion pa duna e sospechoso un orden pa pone su mes disponibel pa mas interrogacion

den e caso a wordo rechaza dor di Corte Superior. Mientrastanto Joran a

yega Hulanda ayera mainta y pa awe e lo mester cuminsa su estudio.

